



Sesida dals

Communitgà ils

Protocol nr.

22 da zercladur 2021

29 da zercladur 2021

575/2021

Incumbensa Rüegg

concernent in program per stabilisar la dumonda en il turissem 2022

Resposta da la Regenza

La pandemia dal coronavirus pertutga directamain er il turissem grischun. Il mars 2020 ha la stagiun d'enviern stuì vegnir interrupta abruptamain durant l'emprim lockdown. La stagiun da stad e d'atun 2020 è stada allegraivlamain positiva, grazia als blers giasts svizzers e grazia ad ina fitg buna occupaziun da las abitaziuns secundaras. La stagiun d'enviern 2020/2021 ha pudì vegnir tegnida averta grazia a grondas stentas da vart dals stabiliments da teleferica. Tuttina hai dai cleras reduziuns areguard las pernottaziuns e cleras perditas areguard las svieutas turisticas. Differentas mesiras statalas (indemnisaziuns per lavur reducida, agids per cas da direzza e.u.v.) han reduci il donn economic. Las vistas per la stagiun da stad e d'atun èn puspè legraivlas, er sch'i dat anc adina malsegirezzas areguard la dumonda turistica.

En vista a la stagiun da stad e d'atun 2020 ha il chantun garantì la primavaira 2020 – sin dumonda da Grischun vacanzas (GRV) – a vista fitg curta contribuziuns extraordinarias dad 1 milliun francs per in program per stimular la dumonda per il turissem grischun. Er per la stagiun d'enviern 2020/2021 èn vegnids deliberads ulteriurs 850 000 francs per in program spezial. Sa basond sin la Lescha per promover il svilup economic en il chantun Grischun (Lescha davart il svilup economic, LSE; DG 932.100) èn contribuziuns a GRV adina er colliadas cun contribuziuns partenarias d'almain 20 pertschient dals custs d'ina mesira.

Igl è incontestà ch'il turissem da congress, da seminari e da fatschenta è en spezial pertutgà fermamain, ma er ils viadis da citad, da gruppas e da viafier sco er il turissem internaziunal da martgads lontans e ch'ina recreaziun sin in nivel d'avant la pandemia dal coronavirus vegn a duvrar anc in tschert temp.

Actualmain n'èn previsas naginas ulteriuras contribuziuns extraordinarias a GRV ed a ses partenaris turistics per l'onn 2022, perquai che la communicaziun turistica da tut ils acturs duai puspè vegnir finanziada en il rom ordinari. Er sche las

consequenzas da la pandemia dal coronavirus èn anc adina da sentir en quai che pertutga la dumonda turistica, sa vesan las destinaziuns ed ils furniturs da prestaziuns confruntads cun la sfida da bandunar il modus da crisa e da returnar ad ina nova normalitad turistica.

Tar la dumonda 1: Il turissem MICE pertutga en spezial la destinaziun Tavau e manaschis d'hotel pli gronds en differentas destinaziuns (Engiadin'Ota, Flem, Cuiro, Tavau e.u.v.). Il turissem da congress e da fatschenta vegn elavurà da singuls acturs ed è caracterisà da pauca cooperaziun entaifer il Grischun. La strategia da GRV na prevesa naginas activitads spezialas en quest sector.

Tar la dumonda 2: Ils programs d'impuls da GRV per stimular la dumonda resguardan mintgamai il cumportament actual dals giasts ed il cumportament actual da viadi. Campagnas da communicaziun servan ad inspirar per in viadi en il Grischun. La clientella cudeschescha la finala purschidas da manaschis d'alloschament, da purschidas e purschiders d'activitads da temp liber u da manaschis da telefericas. Organisaziuns da las destinaziuns han da tut temp la pussaivladad da sa participar a campagnas da GRV e da profitar da sinergias en la commercialisaziun dal turissem.

Tar la dumonda 3: Ina participaziun a programs per stimular la dumonda da GRV dependa adina er d'in engaschament finanziel direct da singuls partenaris. Il pajament da contribuziuns chantunals per mesiras da stimulaziun directamain a las singulas destinaziuns u a manaschis n'è betg pussaivel.

La Regenza examinescha en il rom dals scleriments currentes areguard in program d'impuls chantunal different puncts da partenza (tranter auter abilitad da far investiziun, innovaziun, persunas spezialisadas, digitalisaziun) per dar vita a l'economia dal Grischun, en spezial er en il sector turistic en l'era post-pandemica.

Sa basond sin questas explicaziuns propona la Regenza al Cussegl grond da refusar questa incumbensa.



En num da la regenza

Il president:

Il cancellier:

Dr. Mario Cavigelli

Daniel Spadin